



Inatsisartunut ilaasortaq Kristian Jeremiassen

/Maani

Qaleralinnik tunisassiorneq pillugu apeqquteqaammut nr. 229-imut akissuteqaat

14. december 2010
Sagsnr. 2010-040552
Dok. Nr. 514388

Inatsisartut suleriaasiat § 36 naapertorlugu qaleralinnik tunisarneq, tunisassiassanillu avammut annissuineq pillugit apeqquteqaateqarputit. Apeqqutigineqartut uannut akisasannngortinneqarput.

Postboks 269
3900 Nuuk

Tlf. (+299) 34 50 00

Fax (+299) 32 47 04

E-mail: apnn@nanoq.gl

www.nanoq.gl

Apeqquteqaat:

- 1) Nunatsinni qaleralleriviit namminersortut aammalu Royal Greenland-ip ingerlataasa qalerallit suliarinagit avammut annissugaat qanoq amerlatigippat?
- 2) Qalerallillu suliarinagit annissorneqartut aningaasannngorlugit qanoq naleqarpat?

Akissuteqaat:

Apeqqut siullermut.

Aalisakkanik tunisassiorunut apeqqutillinnikkut paasissutissat pissarsiarineqartut malilugit ullumikkut 23-inik aalisakkeriveqarpoq, qaleralinnik tunisassiassatut suliaqarnermik immikkut piginnaanngorsarsimasunik avammut tunisassiornissaq siunertaralugu. Aammattaaq aalisakkerivinnik marlunnik, qaleralinnik tigooraasartunik, tunisassiassatulli passussiviunngitsunik, peqartoq, Naalakkersuisoqarfiup ilisimaaraa. Aalisakkerivinni qaleralleriviusuni qalerallit suliarineqartarneri assigiinngissitaarput ilaatigut sulisus-saqarniarneq apeqqutaalluni.

Ataani takussutissiami nalunaarsukkat takutippaat suliffeqarfiit 23-it nunami qaleralleriveqartut avammut tunisassiornissamik ingerlataqartut. Ataani takussutissiami immikkoortiterneqarput qaleralleriviit Japan-iliortuunersut (J-cut) nerpinnik/siatassanik/avaleqqanilluunniit suliaqartuunersut.

	Aalisakkerivik J-cut	Aalisakkerivik nerpiit/siatassat/avaleqqat
Uummanaq Seafood a/s	1	
Qeqertaq Fish Aps.	1	
Halibut Greenland a/s	1	
Upernavik Seafood a/s	8	
Romark Seafood a/s	1	
Arctic Green Food a/s	1	1
Arctic Prime Productions a/s	2	
Royal Greenland a/s	6	1
Katillugit	21	2

Aammattaaq nunami marlunnik aalisakkeriveqarpoq, nunatsinni nioqqutissiornissaq siunertaralugu tunitsiviullutillu suliarinnittartunik.

Aalisakkeriviit taaneqartut saniatigut qalerallit aamma aalisakkerivinni allani suliarineqartarput, annerusumik Sisimiut kujataata tungaani, aalisakkeriviilli taakku qal-erallerinissamut immikkut piginnaanngorsarsimanngillat aalisakkanillu assigiinngitsunik tunineqartartunik suliaqartarlutik.

Nalinginnaasumik qaleralik niaquerlugu paperuerlugulu suliarineqartarpoq (Japan cut-itut suliaralugu) imaluunniit nerpiarlugu. Avammut niuerfiit qalerallit piumasartagaat assigiinngitsupput - annerusumik minnerusumilluunniit - suliareriigaasarlutik.

Piffissap ilaatigut sumiiffiit ilaanni qaleralerisussanik naammattunik sulisussaqaarniarneq ajornakusoortarpoq tamatumalu kingunerisarpaa, qalerallit pisariaqarnerusutigut tunis-assiassatut taamaallaat suliarineqartariaqartarneri.

Pingaarutillit ilaat, tunisassiornermut pingaaruteqartoq tassaavoq, pisisartut anneru- sumik minnerusumilluunniit suliareriikkanik piserusuttarnerat akilu pitsaanerpaaq angu- niarlugu avammut tunisassioortoq piumaneqarnerusunik tunisassioortariaqartarpoq.

Pisisartut ilai, qaleralik ilivitsuutillugu immannguaannaq suliarineqarsimasoq pe- rusunnerusarpaat tamannalu malinniarneqartariaqartarpoq. Qaleralik ilivitsuutillugu sas- saalliussaq illinnarnerusarmat.

Apeqqutip aappaa.

Kalaallit Nunaanni Naatsorsueqqissaartarfiup kisitsisaatai kingulliit ukioq naallugu qale- ralinnik ukioq 2009-imi avammut tunisanut tunngasut.

	Oqimaassusai (tons)	Nalingi (1000 kr.)
Ilivitsuutillugit qerititat	15.217	269.581
Nerpiit	5.607	128.148
Saniatigut tunisassiat (nia- qqut)	7	154

“Ilivitsuutillugit qerititat” imatut paasineqassapput tassalu qalerallit niaquerlugillu erlaviik- kat, tassa J-cut-inik taaneqartartut, aammali taamatut assingusumik suliaasartut tassa- sarput niaqullit erlaviikkat.

Kisitsisit takutippaat, ilivitsuutillugit avammut tunisassiarineqartartut kiilumut kr. 17,71- eqartut nerpiiakkallu avammut tunisassiaralugit kiilumut kr. 22,85-eqartut. Tassa ner- piiakkatut tunisassiarineqarneri akitsorsaataasarpur, taamaattorli, akerlianit avammut tunisassiarineqartut annikillutik.

Inussiarnersumik inuulluaqqusillunga

Ane Hansen